

有部毘柰耶

第十

三百二十一  
樂十

49965



元祿九年丙子二月廿五日重脩

皇圖 聖圖 帝階 綴昌

佛日 增輝 懋輪 常轉

山城州天安寺法金剛院置





根本說一切有部苾芻尼毗奈耶卷第十

唐三藏法師義淨奉

樂制譯

捉金銀等學處第十一

尔時薄伽梵在室羅伐城逝多林給孤獨園  
時六衆苾芻自手捉金銀或教他捉造作房  
舍或置牀座止時外道見生嫌賤言此沙門  
釋子自手執捉金銀錢等或教他捉廣說如  
上諸餘俗人亦皆如是斯與我等有何別處  
云何令他婆羅門居士等深生敬信持諸飲  
食惠此禿人苾芻白佛佛以此緣同前集衆  
問實訶責廣說乃至制其學處應如是說



若復苾芻尼自手捉金銀錢等若教他捉尼  
薩祇波逸底迦

尼者謂此法中尼自手者謂以手捉金銀者

謂金銀及貝齒錢者金等錢教人亦尔皆犯

捨墮捨悔之法廣說如上此中犯相其事云

何若教他取時其事不同有十八種咸成其

犯謂告彼云

樂 必習毗奈耶卷十

汝取此物 汝於此取 汝取此尔許

汝將此物 汝於此將 汝將此尔許

汝置此物 汝於此置 汝置此尔許

汝取彼物 汝於彼取 汝取彼尔許

汝將彼物 汝於彼將 汝將彼尔許



汝置彼物。汝於彼置。汝置彼。尔許。

言汝取此物者謂金銀等於可見處教他取

得惡作罪捉舉之時犯捨墮罪言汝於此取

者謂於諸帛及鐵木等箱器之中教他取物

得罪同前已下諸句罪皆同此言汝取尔許

者謂百千億等教他取物言汝將此物者謂

金銀等物教他將來言汝於此將者謂於帛

等箱器之中教他取物言汝將此尔許者謂

百千億等教他取時言汝置此物者謂金銀

等教他置時言汝於此置謂於箱器等中教

安置時置此尔許者謂百千億等教他置時

此九皆據可見之處教他作也言汝取彼物

樂 落勢毗奈耶卷十

二

者謂金銀等。於不見處教他取物得惡作罪。  
捉舉之時犯捨墮罪言汝於彼取者謂於諸  
帑及鐵木等箱器之中教他取物言汝取彼  
介許者謂百千億等教他取物言汝將彼物  
者謂金銀等物教他將來言汝於彼將者謂  
於帑等箱器之中教他取物言汝將彼介許  
者謂百千億等教他取時言汝置彼物者謂  
金銀等教他置時言汝於彼置者謂於箱器  
等中安置汝置彼介許者謂百千億等教他  
置時得罪同前此九皆據不可見處教他作  
也若苾芻尼自捉金銀錢貝齒等犯捨墮若  
苾芻尼捉成未成金銀者犯捨墮苾芻尼捉



文相成就金銀錢貝齒者犯捨墮苾芻尼觸  
末尼寶薛琉璃寶犯捨墮苾芻尼捉方國共  
許用錢犯捨墮若捉非方國所用錢得惡作  
罪若捉赤銅鑰石銅鐵鉛錫者無犯如是世  
尊為諸聲聞制學處已佛在逝多林于時占  
波國有一長者在此城住深信純善以上妙  
樂物而為惠施時彼長者為佛及僧造立住處  
苾芻毗奈耶卷十門戶牕牖欄楯校飾殊妙莊嚴令人樂見為  
生天路多諸尼衆在此安居既安居了隨意  
事訖白長者曰我等今欲向室羅伐城禮大  
師足及諸耆宿尊老苾芻尼現闕衣服時當  
見施長者報言聖者此處之人無上妙衣氎

今聞高侶將欲到來待來至時當以奉施苾芻尼曰長者若無好物與鹿惡者長者答曰聖者我之立性常施好物云何於今以惡物與若不待者衣直之錢可持將去答言長者世尊制戒遮我捉錢長者報曰若如是者我寧不施不能以惡物慧人時諸尼衆竟無所獲即便捨去隨路而進至室羅伐城諸尼見告善來姊妹豈非仁等於安居處多得衣服云何著此麁破衣服而至此耶彼便答曰無衣可得苾芻尼曰仁在何處而作安居答曰在占波國又問依誰而住答曰某甲長者諸尼告曰聞彼長者好施上衣豈不施耶答曰



祇緣此故我不得衣諸尼問曰有何所以彼  
具陳事諸尼聞已白諸苾芻苾芻白佛佛作  
是念諸有敬信婆羅門長者居士等歡喜欲  
施苾芻尼衣價我諸弟子情欲得衣我應作  
法令諸苾芻尼得無廢闕告諸苾芻尼曰若  
有他施衣價欲須便受受已即作彼人物心  
而為持畜然諸苾芻尼應可求覓執事人苾  
芻尼不知欲覓何人佛言應求寺家人或鄔  
波斯迦寺家人者謂是淨人鄔波斯迦者謂  
受三歸五戒應問彼云汝能為我作施主不  
若言能者即作委寄此人心而畜其物可使  
人持不應自捉

樂

苾芻毗奈耶卷十

時有苾芻尼向他方處作如是念我今至此  
亦未有施主起追悔心尼白苾芻苾芻白佛  
佛言縱令遠去但令彼人命存已來常是施  
主時有苾芻尼未求得施主他施與物苾芻  
尼疑不敢為受佛言應受受已持物對一苾  
芻尼作如是語具壽存念我苾芻尼某甲得  
此不淨物我當持此不淨之物換取淨財如  
是三說隨情受用勿致疑心時有施主於邊  
隅處造寺施僧時時有賊來相驚怖彼苾芻  
尼棄寺而去便有賊來取寺家物佛言若僧  
伽物若窣堵波物所有金銀錢寶等應牢藏  
舉方可移去雖言遺藏尼便不知欲遣誰藏



佛言若淨人或鄔波索迦令其藏舉彼藏舉者便偷其物佛言有深信鄔波索迦令其藏舉若無深信應使求寂女求寂女若無尼自手藏尼獲不知若為藏舉佛言應可穿坑不知使誰佛言應使淨人若鄔波索迦彼便偷物應令信者此若無者應令求寂女求寂女若無應自穿掘賊去之後應可如前而取其物還與僧伽佛言如我為難緣事開者難去之後則不應行若仍行者得越法罪

出納求利學處第十二

緣在室羅伐城世尊在逝多林給孤獨園遠

近皆聞中國有佛出現於世彼諸聲聞弟子

樂

慈覺毗奈耶卷十

五

有大神變作諸變化廣說妙法若有人能於  
彼弟子作供養者得大果報饒益增廣是時  
北方有諸商客聞此聲譽自相謂曰諸君當  
知我等宜往中國興易一則多得利潤二乃  
供養三寶時諸商人多賣貨物至室羅伐城  
於此城中有一露形外道善識天文占察前  
事詣商主所告言善來商主汝父名某甲母  
名某甲將如是貨來詣此方齊某日來得介  
許利商主聞已作如是念我比曾聞世尊弟  
子有大神通騰煙注雨未萌先測此則其人  
便以北方朱色毛毯及諸奇果持奉外道彼  
既得已即便披毯往同徒處伴見便問彼具



陳說同徒告曰仁者我等常被沙門釋子之所輕慢每告我曰汝等曾不親近貴勝好人但唯狎習傭力賤品旃荼羅類仁今宜可披此貴服詣釋子處刺其心胷即披毛綵詣逝多林時鄔波難陀於逝多林門經行遊步遙見彼來便作是念外道披者是好貴物我若不能得此物者不復更名鄔波難陀矣樂 必寫毗奈耶卷十既漸相近問言外道汝今豈可新歸俗耶答言我不歸俗若如是者何得被此俗衣彼具陳說鄔波難陀曰此非善事此非善事豈容年邁衰朽為破戒耶宜應暫坐聊聽法要時彼外道隨言即坐鄔波難陀以歡喜心為其說法

若鄔波難陀為他宣說捨施法時聞者皆欲  
自割身肉持以相施復告外道汝之大師性  
愛麗弊教汝門徒露形拔髮多行少住常卧  
于地若汝大師情所愛樂好衣食者當許汝  
著價直千萬上妙之夜百味飲食隨意食噉  
所住房舍價直百千由彼狹情不見容許我  
之大師情懷廣大許我弟子著萬價衣食百  
味食所居房舍數直千金若汝披此貴價好  
服行乞食者信敬之人作如是念今此外道  
身行破戒至於飲食難以供身汝此上衣宜  
應與我我有毛綫持以相授我當披著巡家  
乞食若淨信人來問於我我當答曰有露形



人姓名某甲。輟已相惠。彼便知汝是深信人。汝乞食時。彼若見者。當以酒糟盛滿銅器。供養於汝。時彼露形。聞是語已。便生信喜。作如是言。大德若如是者。可取此衣。鄔波難陀便即呪願曰。無病長壽。然汝徒黨貧苦。當聞汝施時。還令相奪。彼言大德。此之毛毯。豈彼物耶。樂 必芻毗奈耶卷十是我自由。幸見無慮。若如是者。我當為受。既受得已。即便與一鹿鞭毛毯。時彼外道披著而去。至同梵行邊。彼便問曰。仁者何處更得此衣。彼即具陳。授衣所由。聞皆怒言。仁者此之釋子。常思殺我。餘雖見欺。不同六衆。六人之內。無越彼一仁者。施與餘大德者。戒亦

隨喜而鄔波難陀欲飲我血將衣施彼誰堪  
忍耶即宜往索若得者善若不得者我同擯  
汝移汝坐處覆汝食器不相共語彼便怕怖  
往鄔波難陀所彼遙見來即作是念看此外  
道舉動形勢必當奪我好毛毯便急入房  
閉戶而住外道即至扣門相喚鄔波難陀點  
然不對諸苾芻見問言外道汝何所須報言  
將我毛毯故來相覓苾芻報曰汝若欲得往  
世尊所求哀歸向時彼外道往詣佛所  
尔時世尊遙見外道來告諸苾芻汝等見彼  
外道來不白佛言見佛言彼為毛毯故來若  
索得者善若不得者便嘔熱血而致命於外



道來至佛所作如是白大德鄔波難陀取我  
毛毯唯願世尊慈悲哀愍令彼還我若不還  
者我等同梵行者擯片於我如前具說

尔時世尊告具壽阿難陀曰汝自往告鄔波  
難陀言汝得無病仍告之曰汝當還彼外道

毛毯若不還者當嘔熱血而死時具壽阿難

樂

必寫毗奈耶卷十

陀依佛言告彼聞語已即從座起我今敬禮

無上尊教豈敢有違若非佛教遣我還者縱

令外道滿瞻部洲數如竹葦皆嘔熱血一時

命終我鄔波難陀一毛不動具壽阿難陀可

去我當還彼便語外道曰汝之大師先行妄

語欺誑世間彼命終已隨在無間大地獄中

在彼舌上有五百犁晝夜耕墾汝今妄語更  
倍於彼當有千犁常耕汝舌汝已著我毛毯  
汝物我曾不用外道答言我亦不著時鄔波  
難陀取彼毛毯解其邊結禱為四疊安左手  
中右手撮拍開張其毯搭彼頭上遂便倒地  
脚蹴其脇語言外道急去急去勿令糞穢汙  
我僧田外道報言大德我今命存得出去者  
更不敢入遊多園林此是緣起然佛世尊尚  
未制戒

尔時六衆苾芻種種出息或取或與或生或  
質以成取成以未成取成以成取未成以未  
成取未成言取者謂即收取他方愛樂所有



貨物載運將去覓防守人立諸券契是名為  
取言與者謂與他物八日十日等而立契證  
是名為與言生者謂是生利與他少物多取  
穀麥或加五或一倍二倍等貯畜升斗立其  
券契是名為生言質者謂納質取寶珠等同  
前立契求好保證與其財物是名為質言成  
樂 苾芻毗奈耶卷十  
取成者謂以金銀等器取他成器言未成取  
成者謂以金錠取他金器言成取未成謂以  
金器取他金錠言以未成取未成者謂以金  
錠取他碎金苾芻如是交易以求其利時諸  
外道婆羅門居士長者見是事已皆生嫌賤  
云何沙門釋子出物求利與俗何殊誰能與

彼衣食而相供給。諸苾芻白佛。佛以此緣同。集衆問實。訶責廣說。乃至制其學處。應如是說。若復苾芻。尼種種出納求利者。尼薩祇波逸底迦。

言苾芻尼者。謂此法中。尼言種種者。謂非一事。出納求利者。謂作取與出納而覓利潤。得捨墮罪者。廣說如上。此中犯相者。若苾芻尼為求利故。收聚貨物。作諸方便。驅馳車乘。往詣他方。立契保人。持輸稅物。乃至未得利來。但惡作罪。若得利時。便招捨墮。若苾芻尼為求利故。以諸賤貨。金銀等物。出與他人。共立契保。乃至得罪。如前廣說。若苾芻尼為求生。



利將諸賤穀舉與他人升斗校量共立契證  
乃至得罪如前苾芻尼為求利故納取珍寶  
真珠貝玉計時取利不得利亦如上說若  
苾芻尼為利故以已衣共他換易得惡作罪  
得利犯捨墮。

尔時世尊在廣嚴城獼猴池側高閣堂中於

樂

苾芻毗奈耶卷十

十

此城中栗姑毗等自所住宅舉高六重見諸  
苾芻尼所居卑下即便為造高六七重嚴好  
房舍其舍經久多並墮壞施主見已咸作是  
念我等現存寺皆破壞命過之後其欲如何  
我等宜應施無盡物令其營造便持施物到  
苾芻尼所報言聖者此是無盡施物為擬修

補當可受之諸苾芻尼報曰世尊制戒我不  
合受時諸苾芻尼白諸苾芻苾芻白佛佛告  
諸苾芻尼若為僧伽有所營造得受無盡物  
然苾芻毗訶羅應三重作若苾芻尼應兩重  
作時諸苾芻尼得無盡物置僧庫中時施主  
來問言聖者何意毗訶羅仍不修補苾芻尼  
報言賢首為無飲食施主曰我豈不施無盡  
物耶報言賢首其無盡物我豈敢食安僧庫  
中今皆現在施主報曰其無盡物不合如是  
我之家中豈無安處何不迴易求生利耶尼  
曰佛遮我等不許求利諸尼白苾芻苾芻白  
佛佛言若為僧伽應求利潤聞佛語已諸有



信心婆羅門居士等為佛法僧故施無盡物  
此三寶物亦應迴轉求利所得利物還於三  
寶而作供養時諸苾芻尼還將此物與彼施  
主索利之時多興諍競便作是語聖者豈我  
已物合鬪諍耶時諸苾芻尼白諸苾芻尼  
白佛佛言不應共彼而作出息復共富貴者  
而為出息索物之時恃官勢故不肯相還佛  
言不應共此而作交易復共貧人而為出息  
索時無物佛言若與物時應可分明兩倍納  
質晝其券契并立保證記某年月安上座名  
及授事人字假令信心耶波索迦受五學處  
亦應兩倍而納其質

樂 苾芻毗奈耶卷十

十一

販賣學處第十三

緣處同前時六衆苾芻種種交易取與買賣  
賤糴貴糶貯畜而住諸婆羅門長者見共譏  
耻諸苾芻白佛佛以此緣同前集衆問實訶  
責乃至制其學處應如是說

若復苾芻尼種種賣買者尼薩祇波逸底迦  
苾芻尼者謂此法中尼種種者謂非一輩取  
與買賣者取謂餘處物賤此處物貴即從彼  
取與者謂此處賤餘處貴即從此持去豐時  
買取儉時當賣尼薩祇者廣如前說此中犯  
者苾芻尼為利故而作賣買買時惡作賣時  
犯捨墮若為利故買不為利賣買時惡作賣



時無犯若不為利買為利故賣買時無犯賣  
時捨墮不為利買不為利賣二俱無犯若向  
餘方買物不為求利到處賣時雖復得利而  
無有犯

乞鉢學處第十四

緣起廣說具如苾芻律乃至制其學處應如  
樂 苾芻毗奈耶卷十  
是說

十二

若復苾芻尼有鉢減五綴堪得受用為好故  
更求餘鉢得者尼薩祇波逸底迦彼苾芻尼  
當於象中捨此鉢取象中最下鉢與彼苾芻  
尼報言此鉢還汝不應守持不應分別亦不  
施人應自審詳徐徐受用乃至破應護持此

是法

苾芻尼者謂此法中尼餘義如上減五級者  
謂不滿五級堪受用者謂得守持為好故更  
求餘鉢者為欲貪好更求第二鉢好謂勝妙  
得者謂求得入手尼薩祇者廣說如上彼苾  
芻尼謂是犯人彼苾芻尼應於象中捨此鉢  
者當於象中應差二苾芻尼令行有犯鉢若  
無五德不應差若已差不令作云何為五愛  
悉怖癡不知行與不行若具五德未差應差  
差已令作云何為五反上應知應如是差鳴  
犍雅集象先問能不汝某甲能與僧伽行有  
犯鉢不被答言能次一苾芻尼作白羯磨如



是應作

廣如百羯磨

佛言行有犯鉢苾芻尼所有

行法我今說之其苾芻尼應在和合衆中作

如是白大德我苾芻尼某甲當行有犯鉢諸

大德明日各各自持已鉢來至僧中既至明

日行鉢苾芻尼數座禱鳴犍雜諸苾芻尼各

持已鉢往至衆中時行鉢苾芻尼應持其鉢

樂 苾芻毗奈耶卷十

向上座前立讚嘆其鉢上座此鉢清淨圓滿

十三

堪得受用若欲得者隨意應取若其上座取

此鉢者行鉢之人應取上座舊鉢轉與第二

上座若不取者轉與第三第三取時上座更

索初不應與第二索亦不應與第三索應與

上座得越法罪如法應悔如是乃至衆中最

小者取此鉢時行未第三方索鉢者其法與  
上座相似乃至行了所得一鉢行鉢苾芻尼  
應持此鉢付彼苾芻尼作如是語苾芻尼此  
鉢不應分別亦不與人詳審徐徐如法而用  
乃至破壞此是其法若行鉢苾芻尼不依法  
行者得越法罪佛言得鉢苾芻尼所有行法  
我今當制應畜二鉢依好者應安長鉢不好  
者應安舊鉢若乞食時應將二鉢得乾飯者  
著長鉢中若得濕飯者著舊鉢中至住處已  
作曼荼羅安置二鉢應於舊鉢中食食已應  
先洗長鉢次洗舊鉢如是乃至曬曝安置皆  
以長鉢為先若內安龕及火熏時皆於好應



先安長鉢若道行時舊鉢遣人持長鉢當自  
持無人為擊者長鉢安在左肩舊鉢應安右  
畔自持而去若得鉢苾芻尼於此行法不依  
行者得越法罪此之治罰乃至盡形或鉢破  
來應好守護得尼薩祇者廣如上說此中犯  
相其事云何若苾芻尼鉢破堪為一級雖未  
樂 苾芻毗奈耶卷十  
安綴尚得受用更求餘鉢者求時犯惡作得  
便招捨墮若苾芻尼鉢破堪為二級雖未安  
綴尚得受用更求餘鉢得罪同前如是三級  
四級事亦如前苾芻尼鉢破堪為一級安一  
綴已現得受用更求餘鉢求時惡作得便捨  
墮如是乃至四級得罪亦尔若鉢堪為五級

隨綴不綴或堪用不堪用更求餘鉢者無犯  
若鉢是買得或施得此亦無犯

自乞縷使非親織師織作衣學處第十五

緣處廣說具如苾芻律乃至制其學處應如  
是說

若復苾芻尼自乞縷線使非親織師織作衣  
若得衣者尼薩祇波逸底迦

苾芻尼者謂此法中尼餘義如上自乞縷者  
或一兩半兩等使非親者廣說如上織師者  
謂客織人衣有七種亦如上說若得衣者犯  
捨墮捨墮法如上此中犯相其事云何若苾  
芻尼從非親乞縷使非親織皆得惡作得衣



之時便犯捨墮苾芻尼從非親乞縷使親織  
衣乞時惡作得衣無罪苾芻尼從親乞縷使  
非親織乞時無犯得衣捨墮苾芻尼從親乞  
縷使親而織二俱無犯苾芻尼從非親乞縷  
自織其氎乞時惡作衣成亦惡作苾芻尼從  
親乞縷自織其氎乞時無犯衣成惡作若剛  
價者無犯

集 苾芻毗奈耶卷十

十五

### 勸織師學處第十六

緣處廣說具如苾芻律乃至制其學處應如  
是說

若復苾芻尼有非親居士居士婦為苾芻尼  
使非親織師織作衣此苾芻尼先不受請便

生異念詣彼織師所作如是言汝今知不此  
衣為我織善哉織師應好織淨梳治善揀擇  
極堅打我當以少鉢食或鉢食類或復食直  
而相濟給若苾芻尼以如是物與織師求得  
衣者尼薩祇波逸底迦

苾芻尼者謂此法中尼餘義如上親非親義  
乃至七種衣廣如上說先不受請者謂未曾  
告知便生異念者謂心欲求衣語彼織師等  
者謂自述其意為我織者明為己身應好織  
者欲令衣長善應量故淨梳治者欲令衣廣  
及鮮白故善揀擇者謂除其結類令精細故  
極堅打者欲令滑澤及密緻故我當以鉢食



者謂與五種珂但尼食五種蒲膳尼食或以  
鉢食之類者謂生穀等或復食直者謂與其  
價言苾芻尼者謂此法中尼以如是物者謂  
是上事得衣者得衣入手尼薩祇者並如上  
說此中犯相其事云何若苾芻尼為求衣故  
從座而起整理衣服持二五等食授與織師  
勸令好織皆得惡作得衣犯捨墮親非親等  
並如上說奪衣學處第十七

樂

苾芻毗奈耶卷十

十六

緣處同前時難提苾芻與弟子衣告言共汝  
遊行人間弟子情不欲去難提苾芻却奪其  
衣時諸苾芻以事白佛佛以此緣同前集衆  
問實訶責廣說乃至制其學處應如是說

若復苾芻尼與苾芻尼衣彼於後時惱瞋罵  
詈生嫌賤心若自奪若教他奪報言還我衣  
來不與汝若衣離彼身自受用者尼薩祇波  
逸底迦

苾芻尼者謂此法中尼與苾芻尼者謂與餘  
尼衣有七種如前廣說與衣者謂與共住門  
人或復餘類後時者謂於別日惱瞋罵詈生  
嫌賤心者謂身語心現瞋恚相自作使人奪  
取彼衣離身者謂捨離身自受用者謂是屬  
已釋罪名者廣如前說此中犯相其事云何  
有三種相謂身語二俱身者若先與衣後懷  
瞋恨手自奪取或牽或挽然口不言乃匿衣



負未離身來得惡作罪離身之時便招捨墮  
是名身業語者謂出其言而奪彼衣不動身  
手結罪同前二俱者謂以身語而奪其衣結  
罪同前言教他者若教苾芻尼奪彼衣時衣  
未離身二俱惡作若離身者俱得墮罪主有  
捨過若教苾芻奪罪亦同此下之三衆皆得  
樂 苾芻此奈耶卷十  
惡作若諸俗人男女奪者得無量罪無記者  
有二種一為難事二為順教言難事者若其  
二師見已門徒於恐怖等處或在非時河岸  
涉險恐其失落強奪彼衣此皆無犯言順教  
者若師見門徒與惡知識而為狎習或同路  
行去奪取其衣勿令造惡是名順教

迴象物入已學處第十八  
緣處廣說具如苾芻律乃至制其學處應如  
是說

若復苾芻尼知他與象物自迴入已者尼薩  
祇波逸底迦。

苾芻尼者謂此法中尼知者或自知或因他  
告知僧伽者謂佛聲聞弟子象物者有二種  
謂食利物衣利物此處所言謂是衣利迴者  
物定屬他化將入已尼薩祇波逸底迦釋罪  
如上此中犯相其事云何若苾芻尼知屬一  
苾芻尼物自迴入已迴時惡作得便捨墮如  
是乃至知屬二人三人或屬僧伽自迴入已



得罪同前若苾芻尼知屬一苾芻尼物迴與

他人迴時惡作得時亦惡作如是乃至知屬

一人迴與二人三人或迴與僧伽得罪同前

若苾芻尼知屬僧伽物與一人迴時惡作得

時亦惡作如是乃至知屬僧伽迴與二人三

人迴時惡作得時亦惡作若苾芻尼知屬一

僧伽物迴與多僧伽迴時惡作得時亦惡作

若知與苾芻尼僧伽迴與苾芻僧伽知與苾

芻僧伽迴與苾芻尼僧伽知與二部僧伽迴

與苾芻僧伽知與二部僧伽迴與苾芻尼僧

伽若知與苾芻僧伽迴與二部僧伽知與苾

芻尼僧伽物迴與二部僧伽若其僧伽破為

樂 苾芻毗奈耶卷十

十八

二部知與此部迴與彼部或知與此寺迴與  
彼寺知與此房迴與彼房知與此廊迴與彼  
廊或於房廊更互迴與或與此柱間迴與彼  
柱間或柱間物迴與門處或以門物迴與閣  
上如是廣說乃至展轉相迴皆得惡作若苾  
芻尼知與此佛像物迴與餘佛像若知與此  
窣堵波物迴與餘窣堵波若知與踏道初踏  
迴與第二等或迴與塔身或與簷級或此畔  
物迴與餘畔或迴與覆鉢或迴與方臺輪相  
初級乃至寶瓶法輪立柱或復從此迴至下  
基如上迴互皆得惡作罪若王力使迴者無  
犯若欲與此貧人物迴與彼貧人得惡作罪



若覓不得者迴與無犯若苾芻尼與此傍生  
食迴與彼傍生得惡作罪若覓不得迴與無  
犯若擬與傍生物迴將與人擬與人物迴與  
傍生得惡作罪若與出家物迴與俗人或復  
翻此得惡作罪若覓不得者無犯如是女男  
半擇迴苾芻及下三衆若多若少與此與彼  
更相迴互樂 苾芻毗奈耶卷十前應該若覓不得雖違本心與  
餘無犯

服過七日藥學處第十九

緣處同前時尊者畢鄰伽婆蹉門人弟子所  
有諸藥目觸令他觸或與餘食細末相雜或  
更互相和或自類相染同在一處不知應捨

不捨時與非時任情取食諸有少欲苾芻見  
是事已起嫌賤心以緣白佛佛以此緣同前  
集衆問實訶責廣說乃至制其學處應如是  
說如世尊說聽諸病苾芻尼所有諸藥隨意  
服食謂酥油糖蜜於七日中應自守持觸宿  
而服若苾芻尼過七日服者尼薩祇波逸底  
迦如世尊者謂如來應正等覺說者有所曉  
示病苾芻尼者謂此法中尼身嬰疾病所有  
諸藥隨意服食者謂與病狀相宜清淨堪食  
酥者謂諸酥油謂諸油糖沙糖蜜謂蜂蜜於  
七日者謂七日夜應自守持觸宿而服者謂  
得自取而食過七日者謂越限齊尼薩祇波



逸底迦者此物應捨罪應該悔此中犯相其事云何若苾芻尼月一日得藥此藥即應於七日內自作守持或可捨或與餘人若不持不捨不與餘人至第八日明相出時得捨墮罪若苾芻尼一日得藥二日不得三日得乃至七日得此藥即應於七日內自作守持或可捨或與餘人若不持不捨不與餘人至八日明相出時得捨墮罪若苾芻尼一日得藥二日亦得於七日內此初日藥應守持二日藥或捨與餘人或第二日藥自作守持初日藥或捨或與餘人若不持不捨不與餘人至八日明相出時得捨墮罪若苾芻尼如於一日二

藥  
苾芻毗奈耶卷十

二十

日相對作法如是二日三日乃至六七日相  
對作法餘如上法若忘芻尼月一日得衆多  
藥此藥即應於七日內自作守持或捨或與  
餘人若不持不捨不與餘人至第八日明相  
出時得捨墮罪若忘芻尼如於一日如是乃  
至七日得衆多藥此藥應於七日內自作守  
持或捨或與人若不持不捨不與人至第八  
日明相出時得捨墮罪若忘芻尼一日得衆  
多藥二日亦得衆多藥此初日藥於七日內  
應守持二日藥或捨或與人或第二日藥自  
作守持初日藥或捨或與人若不捨不與餘  
人至第八日明相出時捨墮罪若忘芻尼一



日不得衆多藥二日亦不得衆多藥乃至第  
六第七日方得衆多藥第六日藥於七日內  
應守持第七日藥或捨與人若不捨不與人  
至第八日明相出時得捨墮罪若苾芻尼所  
有諸藥自觸令他觸或與餘食細末相觸或  
更互相和或同類相雜同在一處不能分別  
樂 苾芻毗奈耶卷十  
者此藥即應與寺家淫人或施來寂女若復  
苾芻尼於此諸藥不自觸不令他觸不與餘  
食細末相觸亦不更互相和亦不同類相染  
亦不同在一處捨與不捨時與非時能善分  
別於七日內自為守持自取服食應如是守  
持應在午前當淨洗手受取其藥對一同梵

行者作如是說

具壽存念我苾芻尼某甲有此病緣清淨醫藥我今守持於七日內自服及同梵行者第二第三亦如是說若已服一日即告同梵行者我此病藥已服一日餘有六日在我當服食如是乃至七日皆應告知若滿七日已尚有餘藥應捨與婦人或與求寂女若不捨者至第八日明相出時犯捨墮罪若苾芻尼有捨墮藥不捨與人不為間隔罪不說悔若更得餘藥悉犯捨墮由前染故若苾芻尼犯捨墮藥雖已捨訖未為間隔罪未說悔若更得餘藥皆犯捨墮由前染故若苾芻尼犯捨墮



藥雖已捨訖已為間隔罪未說悔若更得餘藥皆犯捨墮若苾芻尼藥犯捨墮未為三事若更得餘鉢絡腰條但是沙門所畜資具活命之物若受畜者皆犯捨墮由前洙故若苾芻尼犯捨墮藥已捨已為間隔罪已說悔更得餘藥者無犯

樂

苾芻毗奈耶卷十

畜長鉢學處第二十七

緣處同前時十二象苾芻尼所得長鉢唯知

貯畜自不受用亦不與他尼白苾芻苾芻白

佛佛以此緣同前集尼問實訶責廣說乃至

制其學處應如是說

若復苾芻尼畜長鉢得經一宿若過者尼薩

祇波逸底迦

苾芻尼畜長鉢唯得經一宿過一宿者謂過一宿長鉢者除守持鉢餘者名長畜者作屬已心若更畜者得捨墮罪捨法如上

此中犯相其律云何若苾芻尼月一日得鉢於一日內應持應分別應捨應與他如是次第及以起問如細衣戒中廣說其事乃至捨之法式皆悉同前若小若白色或為擬與欲受戒人者無犯

根本說一切有部苾芻尼毗奈耶卷第十

樂

鑰石

上音偷

鈿錫

上音綠下先擊反

攔楯

下時尹反

率堵

上蘇



類	墮	胷	耕	聊	沒
類對下	反徒	反徒	下	察音	音觀
力	回	業二	懇下	狹	下
及	及	同	音	反咸	毛
繳	販賣	虛	禰	夾	毯
直	上	券	為	輟	或下
利	方	契	上	已	作他
挽	反	願上	業及	劣上	綖
晚音	糴	及丘	及之	及知	及
	余俗	金	搬拍	麗	輕
	作	鋌	上	鞭	懷
	糴	下	音	更下	結下
	崇俗	頂及	搭	及吾	反莫
	作	栗	音	竹	年
	龕	帖	音	葦	邁
	反苦	下	音	下	敗下
	含	涉反	秋	鬼反	于
	結	昌	六	反	莫

樂對下  
及力  
及繳  
及直  
利  
挽  
晚音

七三

山城國綴喜郡薪村  
靈瑞山剛恩菴沙門宗桂書寫之

